



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

Nr.705/ 21

Në bazë të nenit 105 pika 1 dhe 2 dhe nenin 108/A të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/ L-068, i plotësuar dhe ndryshuar me Ligjin 05/ L-092, neni 4 Rregullat e paraqitjes së kërkesës për rishqyrtim pran autoriteti kontraktues, parashtrimin të ankesave pran OSHP-së, dhe vlera e tarifave të ankesave, si dhe nenin 17 paragrafi 3 i Rregullores së Punës së OSHP-së nr. 01/2020, me numër të protokollit 83/2020, pas shqyrtimit të ankesës së OE “Eor Group” SHPK me seli në Prishtinë, lidhur me aktivitetin e prokurimit “Furnizimi dhe montimi me pajisje për Institucionet vartëse të Drejtorisë së Kulturës” me numër të prokurimit :AP 616/21/-3844-1-2-1, të iniciuar nga AK Komuna e Prishtinës, Kryesuesi i Sekretariatit të Organit Shqyrtues të Prokurimit z. Ardian Behra me datën: 13.10.2021 mori këtë :

VENDIM

- I. **Hedhet si e pa lejuar** ankesa e “Eor Group” SHPK me seli në Prishtinë me nr. të protokollit. 705/21, e 29.09.2021, lidhur me aktivitetin e prokurimit: “Furnizimi dhe montimi me pajisje për Institucionet vartëse të Drejtorisë së Kulturës” me numër të prokurimit :AP 616/21/-3844-1-2-1, të iniciuar nga AK Komuna e Prishtinës

- II. **I LEJOHET** autoritetit kontraktues – Komuna e Prishtinës që të vazhdoj më tutje, me procedurat e prokurimit lidhur me aktivitetin e prokurimit: “Furnizimi dhe

montimi me pajisje për Institucionet vartëse të Drejtorisë së Kulturës” me numër të prokurimit :AP 616/21/-3844-1-2-1, të iniciuar nga AK Komuna e Prishtinës, përkitazi me këtë ankesë, (nëse nuk ka ankesë tjetër).

- III. Ankesa e operatorit ekonomik ankues nuk mund të shqyrtohet, pasi që e njëjta nuk është proceduar sipas nenit 108/A dhe 109 të LPP-së si dhe nenin 9 të Rregullat e paraqitjes së kërkesës për rishqyrtim pran autoriteti kontraktues, parashtrimin të ankesave pran OSHP-së, dhe vlera e tarifave të ankesave , operatorit ekonomik ankues sipas nenit 31 pika 4, të Rregullores së Punës së OSHP-së, i kthehet tarifa e ankesës.
- IV. **Obligohet**, OE ankues që konform nenit 31 pika 6 të Rregullores të Punës së OSHP-së, në afat prej gjashtëdhjetë (60) ditësh të bëjnë kërkesë për kthim të sigurimit të ankesës, në të kundërtën iu bëhet konfiskimi i depozitës, dhe këto mjete kalojnë në Buxhetin e Republikës së Kosovës.

ARSYETIM

Më datën 29.09.2021, Organi Shqyrtues i Prokurimit në sistemin elektronik ka pranuar ankesën e parashtruar nga ana e OE “Eor Group” SHPK me seli në Prishtinë me nr. të protokollit. 705/21, e 29.09.2021, lidhur me aktivitetin e prokurimit: “Furnizimi dhe montimi me pajisje për Institucionet vartëse të Drejtorisë së Kulturës” me numër të prokurimit :AP 616/21/-3844-1-2-1, të iniciuar nga AK Komuna e Prishtinës.

Organi Shqyrtues i Prokurimit ka analizuar ankesën e parashtruar nga OE “Eor Group” SHPK me seli në Prishtinë me nr. të protokollit. 705/21, e 29.09.2021, lidhur me aktivitetin e prokurimit: “Furnizimi dhe montimi me pajisje për Institucionet vartëse të Drejtorisë së Kulturës” me numër të prokurimit :AP 616/21/-3844-1-2-1, të iniciuar nga AK Komuna e Prishtinës dhe bazuar në verifikimin e shkresave të lendes si dhe në platformën e-prokurimi kjo ankesë hedhet si e pa lejuar.

Organi Shqyrtues i Prokurimit sqaron se, lidhur me ankesën ne 705/21 te datës 29.09.2021 nga OE “Eor Group” SHPK Prishtinë, procedurat kane rrjedhur si me poshtë:

AK me datën 04.08.2021 ka lëshuar Njoftimin mbi vendimin e AK-se me letrat standarde.

OE “Eor Group” SHPK Prishtinë tani ankues ka parashtruar kërkesën për rishqyrtim me datën 07.08.2021.

AK ka lëshuar vendimin ne kërkesën për rishqyrtim te OE ku dhe e ka kthyer lenden ne rivlerësim duke e aprovuar kështu kërkesën për rishqyrtim te OE ne fjale.

Pas rivlerësimit, AK me date 01.09.2021 ka lëshuar Njoftimin mbi vendimin e AK-se me letrat standard ku dhe ka shpallur fitues OE Eor Group shpk-tani ankues.

Me datën 03.09.2021, kundër njoftimit te AK-se , ka parashtruar kërkesë për rishqyrtim OE Infnit shpk.

Me daten 13.09.2021 AK I ka kthyer vendim ne kërkesën për rishqyrtim te OE Infnit shpk ku dhe ne vendim ka njoftuar se AK, ka vendose te ndryshoje kandidatin për dhënieje te kontratës duke e rekomanduar qe kontrata ti jepet OE Infnit shpk.

Pas vendimit te AK-se, OE “Eor Group” SHPK Prishtinë, ka parashtruar serish kërkesë për rishqyrtim me datën 15.09.2021.

Me datën 17.09.2021 AK i ka kthyer vendimin duke ja refuzuar kërkesën për rishqyrtim dhe duke I dhënë këshillën juridike për ankese ne OSHP brenda 10 ditësh.

OE ‘Eor Group’ SHPK Prishtinë kundër vendimit te AK-se te datës 17.09.2021, me datën

29.09.2021 ka parashtruar ankese ne OSHP, ankesë kjo e protokolluar me numër te protokollit 705/21.

OE "Eor Group" SHPK Prishtinë, tani ankues e ka pasur afatin prej 10 ditësh për parashtrim te ankesës ne OSHP me datën 27.09.2021 pasi qe vendimin nga AK e ka pranuar me datën 17.09.2021.

Organi Shqyrtues i Prokurimit konstaton se duke pas parasysh faktin se AK ka publikuar vendimin për refuzim te kërkesës lidhur me kërkesën për rishqyrtim me datën 17.09.2021, afati ligjor për ankesë për OE ankues në Organi Shqyrtues te Prokurimit ka filluar te rrjedhë nga data 18.09.2021 ora 08:00 deri në orën 16:00 dhe ky afat ligjor ka përfunduar me datën 27.09.2021 në ora 16:00. Andaj duke pas parasysh faktin se OE ankues ka parashtruar ankesë në OSHP me datën 29.09.2021, ankesa e tij hedhet si e pa leja nga se OE ankues ka humbur afatin ligjor prej 10 ditëve për parashtrim te ankesës në OSHP, ashtu siç parashihet me nenin 108/A dhe 109 të LPP-së.

Organi Shqyrtues i Prokurimit konstaton se OE ankues ankesën me numër te protokollit 705/21 te datës 29.09.2021, e ka parashtruar në kundërshtim me neni 109 te LPP-së sepse neni 109 i LPP-së specifikon:

Afatet për Dorëzimin e Ankesës

1. Kundër çdo vendimi të marrë nga autoriteti kontraktues në përputhje me rrethanat e nenit 108/A çdo palë e interesuar mund të parashtojë ankesë pranë OSHP-së. Ankesa duhet të dorëzohet vetëm pas udhëheqjes së një procedure paraprake për zgjidhje të mosmarrëveshjes në përputhje me nenin 108/A të këtij ligji.
2. Ankesa pranë OSHP-së duhet të dorëzohen brenda dhjetë (10) ditëve pas vendimit të lëshuar nga autoriteti kontraktues në procedurën paraprake të zgjidhjes së mosmarrëveshjes në përputhje me nenin 108/A të këtij ligji.

Po ashtu edhe nenin 9 paragrafi 1 të Rregullat e paraqitjes së kërkesës për rishqyrtim pran autoriteti kontraktues, parashtrimin të ankesave pran OSHP-së, dhe vlera e tarifave të ankesave specifikon: Ankesa pranë OSHP-së, duhet të dorëzohet vetëm pas udhëheqjes së një procedure paraprake për zgjidhje të mosmarrëveshjes dhe të dorëzohet brenda dhjetë (10) ditëve pas vendimit të lëshuar nga autoriteti kontraktues në procedurën paraprake të zgjidhjes së mosmarrëveshjes në përputhje me nenin 108/A të LPP-së.

Prandaj duke u nisur nga sqarimet e dhëna si më lart OSHP konstatoj se ankesa e parashtruar në OSHP nga OE: “Eor Group” SHPK me seli në Prishtinë me nr. të protokollit. 705/21, e datës: 29.09.2021, lidhur me aktivitetin e prokurimit: “Furnizimi dhe montimi me pajisje për Institucionet vartëse të Drejtorisë së Kulturës” me numër të prokurimit :AP 616/21/-3844-1-2-1, të iniciuar nga AK Komuna e Prishtinës, hedhet si e pa lejuar sepse ankuesi ka parashtruar ankesë në OSHP në kundërshtim me nenin 108/A dhe 109 të LPP-së si dhe nenin 9 të Rregullat e paraqitjes së kërkesës për rishqyrtim pran autoriteti kontraktues, parashtrimin të ankesave pran OSHP-së, dhe vlera e tarifave të ankesave, andaj e njëjta ankesë hedhet si e pa lejuar dhe nuk hynë në shqyrtim nga OSHP.

Kryesuesi i Sekretariatit të OSHP-së, duke u bazuar në atë që u tha si më lartë, vendosi si në diapozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës themelore-Departamentit për çështje Administrative në afat prej 30 ditësh nga data e pranimit të këtij vendimi.

Vendimi t'i dorëzohet:

- 1x1 AK – Komuna e Prishtinës;
- 1x1 OE “Eor Group” SHPK me seli në Prishtinë;
- 1x1 Arhivës së OSHP-së;
- 1x1 Për publikim në web- faqe të OSHP-së

